

Taallanik, erinarsuutinik  
samminninnermut siunnersuutit



**Pilersuiffik**  
**1999**

# Taallianik atorluaaniarnermut suleriaatsit assigiinngitsut

Kalaallit oqaasiinik allamiut oqaasiisut ilinniarnermi atugassatut siunnersuutit nalinginnaasumik kalaallisut ilinniartitsineri sakkugineqarsinnaalluartut

Isumassarsiat annertunerusumik nassuiaateqartinnagit qulequttatut allataapput. Atuartitsineri atussatillugit qulakkeertariaqarpoq sungiusaatit siumut ilinniareersimasassat atuartut pereersimassagaat.

Suleriaatsit atuuffissaat:

- I:** Taallamik atuannginermitusarnaannginnermi  
**II:** Taallamik atuarnermitusarnaarnermi  
**III:** Taallamik atuareernerup/tusarnaareernerup kingorna

- I** 1) Qulequtaa aallaavigalugu imaa eqqoriarneqassaaq.  
**I** 2) Imaata paasiniarneranut oqaatsit iluaqutissat sammineqassapput.  
**I** 3) Qulequtaa tunngavigalugu imaani oqaatsit atorumaakkat eqqoriarneqassapput.  
**I** 4) Sammisami oqaatsit atorineqarsorisat allapallanneqassapput (brainstorming).  
**I II III** 5) Taalliami titarnerit qiortarlugit immikkoortinneqassapput. Atuartut katitissavaat.  
**I II III** 6) Misilitsinnermi suleriaaseq assilillugu sulisitsineq.  
**I III** 7) Qulequttami oqaatsit/naqinnerit paarlakaanneqassapput. Atuartut iluamik inissitsissavaat.  
**I III** 8) Taalliami sammisaq pillugu oqaatsit allapallanneqassapput (brainstorming).  
**I III** 9) Taallaq aallaavigalugu oqallinneq.  
**I III** 10) Assit/assilialiat/titartakkat sammisamut tunngassutillit nassuiaatigineqassapput imlt. allaaserineqassapput.  
**I III** 11) Erinarsuut plakatiliarineqassaaq imlt. ussassaarusiarineqassaaq.  
**I III** 12) Taallaq pillugu allattoqassaaq - 1 minutsi oqalugiartoqassaaq.  
**II** 13) Taallaq atuarneqassaaq/tusarnaarneqassaaq taallap imaanik siumut eqqoriaaneq qularnaalliniarlugu.  
**II** 14) Taallaq "putulik" oqaatsinik ataasiakkaanik amigaatilik - atuarneqassaaq. "Putut" immersorneqassapput.  
**II** 15) Taallaq atuarlugu/tusarnaarlugu eqikkarneqassaaq.  
**II** 16) Taallaq atuarlugu/tusarnaarlugu assit/assilialiat/titartakkat tulleriarneqassapput.  
**II** 17) Taallap imaanut paasissutissatut apeqqutit akineqassapput.  
**II** 18) Taallap isumaa paasiniarneqassaaq oqaatsit oqariartaatsillu iluaqutigalugit.

- II 19) Taallaq tusarnaarlugu kukkunaveersaarlugu allanneqassaaq.
- II 20) Taallaq kukkunersiorneqassaaq (naqinnerit, oqaatsit inissisimaneri, oqaasilerneq)
- II 21) Oqaatsit ilaat titartakkanik taarserneqassapput. Taallap atuannginnerani imlt. tusarnaannginnerani titartakkat atuartut oqaasinngortissavaat.
- II 22) Taallaq oqaatsit ataasiakkaat piiarlugit "putoorneqassaaq". Oqaatsit piiakkat allattorsimaffiat (piiakkanik amerlanernik oqaasertalik) atorlugu putut atuartut immersussavaat.
- II 23) Taallaq sammereerlugu taallap nanginnera atuartut takorluussavaat.
- II III 24) Atuartut oqaatsit ataasiakkaat piiarlugit taallaq "putuussavaat". Putut atuaqatit immersussavaat.
- II III 25) Taallami inuttat ilaat atuartut allaffigissavaat/allatsissavaat.
- II III 26) Taallaq atuarneqassaaq/tusarnaarneqassaaq taallami ersersinniakkat (sprogets-tryk), rytmia atuarnatalu nipaa (intonation) paasinialrugit.
- II III 27) Taallami versit tamarmik immikkut qulequtserneqassapput. Taallaq ataatsimut taaguserneqassaaq.
- II III 28) Atuaqatit akisassaannik taallap imaa atuartut apeqqusiorfigissavaat.
- II III 29) Taallamut tunngassutillit skiimat/diagrammit atuartut inaarsassavaat.
- II III 30) Taallaq erinarsorlugu immiunneqassaaq. Immiusaaq tusarnaarlugu taanerit aallartittarneri (intonation) aaqqissorneqassapput. Nutaamik immiussineqassaaq il.il.
- III 31) Taallap inuttai allallugit oqaloqatigiisinneqassapput.
- III 32) Taallap erinaa atorlugu allamik taalliortoqassaaq.
- III 33) Taallami inuttaq ataaseq apeqqarissaarneqassaaq.
- III 34) Taallaq tamakkerlugu imlt. ilaannaa isiginnaagassiarineqassaaq (rollespil).
- III 35) Taallamik taalliortoq/erinarsortoq allalluni akineqassaaq.
- III 36) Taallaq inuup allap isiginnittaasia malillugu nuutsillugu allaqqinneqassaaq.
- III 37) Atuartut erinarsoqatigiisapput.
- III 38) Taallaq eqikkaarneqassaaq.
- III 39) Taallap sammisaanut sanilliuttut/tulluurtut allaaserisassanut qulequtaasinnaasut allattorneqassapput. Ataaseq allaaserineqassaaq.
- III 40) Taallat immikkortiterlugit nammineq qinikkat imlt. nammineq allatat atuaqatigiit erinarsuutaannut ilanngunneqassapput.

Siunnersuutit allat: